

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona” broj 7/10) i Programa rada Vlade Zeničko-dobojskog kantona za 2013. godinu, Vlada Zeničko-dobojskog kantona, na prijedlog Ministarstva za rad, socijalnu politiku i izbjeglice, na 105. sjednici, održanoj 28.03.2013. godine, d o n o s i

ZAKLJUČAK

I.

Usvaja se Izvještaj o namjenskoj potrošnji sredstava, odnosno izvršenju Budžeta u Ministarstvu za rad, socijalnu politiku i izbjeglice za period januar-decembar 2012. godine.

II.

Zaključak stupa na snagu danom donošenja.

Broj: 02-_____/13.
Datum, 28.03.2013. godine
Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x a/a.



VLADA KANTONA

- ovdje -

Broj: 09-03-02-14-2928-2/13
 Zenica, 25.03.2013. godine

**PREDMET: Izvještaj o izvršenju Budžeta za period januar-decembar 2012. godine,
 dostavlja se**

Prema Programu rada Vlade Zeničko-dobojskog kantona za 2013. godinu dostavljamo Vam dokument pod rednim brojem 63. – Studijsko-analički dio - Izvještaj o izvršenju Budžeta u Ministarstvu za rad, socijalnu politiku i izbjeglice, za period januar-decembar 2012. godine.

Pregled izvršenja Budžeta u Ministarstvu za rad, socijalnu politiku i izbjeglice, za period januar-decembar 2012. godine, u dijelu koji se odnosi na pozicije: “Tekući transferi pojedincima”, “Tekući transferi neprofitnim organizacijama”, “Kapitalni transferi drugim nivoima vlasti” i „Ostala osnivačka ulaganja“, dat je u tabeli br.1.

Tabela br.1

Ekonomski kod i subanalitika	Naziv pozicije budžeta	Budžet za 2012. god.	Izvršenje budžeta 01-12.2012.	%
1	2	3	4	5
614200	I Transfer pojedincima	26.306.209	26.662.530	101,35
KAD 201	Izdaci za raseljena lica	100.000	93.675	93,68
KAD 202	Sredstva za podsticaj povratka izbjeglih i raseljenih lica	728.409	815.520	111,96
KAD 203	Civilne žrtve rata ZDK	972.000	915.608	94,20
KAD 203	Civilne žrtve rata F BiH	2.268.000	2.139.698	94,34
KAD 204	Smještaj u drugu porodicu	184.000	218.881	118,96
KAD 205	Naknada za porodiljsko odsustvo	7.000.000	7.520.021	107,43
KAD 206	Zdravstvena zaštita neosiguranih lica	500.000	500.000	100,00
KAD 207	Ostali socijalni transferi	700.000	886.421	126,63
KAD 208	Transferi za alternativni smještaj	110.000	110.739	100,67
KAD 209	Naknada za pomoc i njegu drugog lica	3.000.000	2.645.400	88,18
KAD 211	Novčana pomoć za nezaposlene porodilje	140.000	155.790	111,28
KAD 213	Smještaj u ustanove socijalne zaštite	4.400.000	4.461.457	101,40
KAD 215	Stalna novčana pomoć	1.000.000	989.079	98,91
KAD 216	Osposobljavanje za život i rad	200.000	215.027	107,51
KAD 217	Dodatak na djecu	3.550.000	3.645.668	102,69
KAD 218	Jednokratna pomoć za opremu novorođenog djeteta	100.000	100.866	100,87
KAD 219	Pomoć u prehrani djeteta do 6. mjeseci i dodatna ishrana za majke dojilje	325.000	349.478	107,53
KAD 220	Transfer JU Službi za zapošljavanje ZDK, za podsticaj aktivnih mjera zapošljavanja	728.800	899.200	123,38

	Poticaji zapošljavanja mladih	300.000	0	0,00
614300	II Transfer neprofitnim organizacijama	145.000	111.700	77,03
KAX 002	Transferi udruženjima	75.000	74.500	99,33
KAX 003	Transferi iz prihoda za Dječiju nedjelju	70.000	37.200	53,14
615100	III Kapitalni transferi drugim nivoima vlasti	100.000	88.000	88,00
821500	IV Ostala osnivačka ulaganja	2.000	2.000	100,00
U K U P N O : I + II + III + IV		26.553.209	26.864.230	101,17

1. Izdaci za raseljena lica – KAD 201

Budžetom za 2012. godinu planirana su sredstva u iznosu od 100.000,00 KM za podmirenje osnovnih potreba raseljenih lica. Sa ovim sredstvima Ministarstvo je izvršavalo zakonske obaveze plaćanja sljedećih obaveza: potrošnje električne energije, vode, grijanja, održavanja, prevoz, sahrana, kao i druge potrebe od značaja za ukupno zbrinjavanje raseljenih lica i izbjeglica koja su smještena u kolektivnim naseljima i objektima za smještaj raseljenih osoba koje se u bliskoj budućnosti ne mogu vratiti u svoje prijeratno prebivalište (stambeni objekti u naselju Radakovo i Crkvice u Zenici).

Sredstva su utrošena prema sljedećoj tabeli:

1.	Električna energija	11.146,57
2.	Toplotna energija	22.956,87
3.	Vodovod i kanalizacija	2.067,70
4.	Odvoz smeća	1.672,28
5.	Održavanje objekata	4.182,49
6.	Sahrane	2.774,66
7.	Kućna njega	45.324,46
8.	Jednokratne pomoći	3.550,00

UKUPNO KM: **93.675,03**

2. Sredstva za podsticaj povratka raseljenih lica i izbjeglica – KAD 202

Budžetom za 2012. godinu planirana su sredstva u iznosu od 728.409,00 KM - ekonomski kod 614200. Planirana sredstva su u navedenom periodu utrošena za provođenje programskih aktivnosti Ministarstva usmjerenih u pravcima učešća Kantona u obezbjeđivanju osnovnih pretpostavki od neposrednog značaja za povratak raseljenih osoba i održivost povratka.

U izvještajnom periodu januar-decembar 2012. godine utrošena su sredstva u iznosu od 815.520,16 KM, za sufinansiranje realizacije projekta obnove stambenog fonda, pomoć u nabavci i ugradnji građevinskog materijala i stvaranje „minimalnih uvjeta za stanovanje“, pružanje potpore održivom povratku u povratničkim naseljima te provođenje drugih mjera i aktivnosti intervenirajućeg karaktera od ukupnog značaja za podsticaj, odnosno održivost povratka.

Sredstva su utrošena prema sljedećoj tabeli:

1.	Finansiranje projekta „Obnova stambenih objekata za povratnike na područje ZDK i raseljene osobe čije je prijeratno prebivalište bilo na području ZDK-2012“	229.562,66
2.	Sufinansiranje projekta izgradnje 19 stambenih jedinica za stanare ratnim dejstvima uništenih kasina iz naselja Kanal u Zenici	200.000,00
3.	Obnova zgrade Bravčići u općini Žepče	40.000,00
4.	Jednokratne novčane pomoći za ugradnju građevinskog materijala i stvaranje „minimalnih uvjeta za stanovanje“	53.740,50
5.	Projekti održivog povratka	35.917,00
6.	Obnova infrastrukture i vjerskih objekata	256.300,00

Zbog povećanog broja opravdanih zahtijeva povratničkih zajednica, uobzirenih prilikom izrade Projekcije izvršenja Budžeta u 2012. godini planirano je povećanje rashoda na ovoj poziciji, a istovremeno smanjenje rashoda planiranih na poziciji „Naknada za pomoć i njegu drugog lica“, a na osnovu člana 14. Zakona o izvršenju Budžeta Zeničko-dobojskog kantona za 2012. godinu. Zbog navedenog je došlo do povećanja utroška sredstava na ovoj poziciji a na osnovu pojedinačnih zaključaka Vlade.

3. Civilne žrtve rata – KAD 203

Za isplatu naknada civilnim žrtvama rata u Budžetu Zeničko-dobojskog kantona planirana su sredstva u iznosu 3.240.000 KM - ekonomski kod 614200. Finansiranje ovog prava je po modelu - 30% planiranih sredstava je iz Budžeta Zeničko-dobojskog kantona u iznosu od 972.000 KM i 70% planiranih sredstava je iz Budžeta Federacije BiH u iznosu od 2.268.000 KM.

U izvještajnom periodu januar-decembar 2012. godine za ovu namjenu utrošena su sredstva u iznosu od 3.055.306 KM, i to iz Budžeta Kantona izdvojeno je 915.608 KM, a iz Budžeta Federacije BiH izdvojeno 2.139.698 KM. Finansirano je 924 civilnih žrtava rata koje ostvaruju naknade za 1.110 prava, tj. prava na: ličnu invalidninu, pravo na ortopedski dodatak, pravo na dodatak za tuđu njegu i pravo na porodičnu invalidninu.

4. Smještaj u drugu porodicu–KAD 204

Budžetom za 2012. godinu planirana su sredstva u iznosu od 184.000 KM - ekonomski kod 614200. Na ovaj način obezbijedena je socijalna zaštita, odnosno zbrinjavanje djece i odraslih lica kojima je potrebna stalna briga i pomoć radi zadovoljavanja njihovih životnih potreba, a što se ne može ostvariti u krugu vlastite porodice ili na drugi način.

Za smještaj u drugu porodicu u izvještajnom periodu januar-decembar 2012. godine utrošena su sredstva u iznosu od 218.881 KM, za isplatu naknada hraniteljima za 117 djece na smještaju.

Utrošak sredstava je veći zbog toga što je za 21 smještaj povećan broj djece koja su smještena u drugu porodicu kao i zbog toga što su Izmjenama i dopunama Budžeta Zeničko-dobojskog kantona za 2012. godinu („Službene novine Zeničko-dobojskog kantona“ broj: 17/12) umanjena sredstva za 6.000 KM. Napominjemo, da je od juna 2012. godine na osnovu Uputstva o načinu utvrđivanja i trebovanja novčanih naknada (u daljem tekstu: Uputstvo) napokon izvršeno usklađivanje ovih naknada sa Zakonom o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“ broj: 13/07 i 13/11, u daljem tekstu: Kantonalni zakon) na osnovu trenutnog broja korisnika, Ove naknade su do tada isplaćivane u umanjenom iznosu za oko 29% i ovo Ministarstvo je na ovaj način afirmisalo smještaj djece i odraslih lica u druge porodice, jer je isti humaniji i izdvajaju se manja sredstva u odnosu na izdvajanja za ustanove socijalne zaštite.

5. Naknada za porodijsko odsustvo - KAD 205

U Budžetu 2012. godine za ovu namjenu planirana su sredstva u iznosu od 7.000.000 KM - ekonomski kod 614200. Ovim sredstvima finansira se naknada plaće ženi majci u radnom odnosu kao i svi doprinosi i porezi u skladu sa Kantonalnim zakonom.

Za ovu namjenu u izvještajnom periodu utrošena su sredstva u iznosu od 7.520.021 KM, za isplatu naknada za 1.012 porodilje. Utrošak sredstava na ovoj poziciji je veći i pored toga što su naknade umanjivane za 10% na osnovu navedenog Uputstva, jer je povećanog broja korisnika ovog prava za 105 korisnika u odnosu na 2011. godinu.

6. Zdravstvena zaštita neosiguranih lica - KAD 206

Budžetom za 2012. godinu na ovoj poziciji planirana su sredstva u iznosu od 500.000 KM - ekonomski kod 614200. U skladu sa Uputstvom Ministra, prema dostavljenim podacima putem centara za socijalni rad i općinskih službi za društvene djelatnosti, u toku izvještajnog perioda ovo pravo je ostvarivalo 2.061 korisnika.

Za finansiranje zdravstvenog osiguranja u 2012. godini na osnovu Odluke Vlade Zeničko-dobojskog kantona odobrena su sredstva u iznosu od 500.000 KM

7. Ostali socijalni transferi - KAD 207

Budžetom za 2012. godinu planirana su sredstva u iznosu od 700.000 KM - ekonomski kod 614200. Ova sredstva su namjenjena za provođenje interventnih mjera i aktivnosti socijalno-zaštitnog karaktera u oblastima iz nadležnosti i odgovornosti Ministarstva.

Za ovu namjenu u izvještajnom periodu utrošena su sredstva u iznosu od 886.421 KM, i to za:

- Pomoć javnim – humanitarnim kuhinjama..... 200.000 KM
- Projekat „Centar za rano podsticanje razvoja i ranu intervenciju za djecu sa posebnim potrebama“ u Zenici..... 158.000 KM
- Projekat „Sigurna kuća za žene i djecu – žrtve nasilja u porodici i zajednici za područje Zeničko-dobojskog kantona 54.720 KM
- Projekat „Podrška samostalnom stanovanju-življenju osoba sa poteškoćama u razvoju općine Zenica“ 18.000 KM
- Projekat “Solidarnost na djelu – pomoć za 100 siromašnih porodica” 10.000 KM
- Jednokratne i privremene novčane pomoći putem centara za socijalni rad i službi za poslove socijalne zaštite..... 165.100 KM

- Ostale dodatne potrebe i intervencije socijalno zaštitnog karaktera za pojedince i porodice koje su u stanju socijalne potrebe usljed: iznenadni događaji i prateće situacije, inicijativama i odzivima humanitarnim akcijama od značaja za oblasti i ustanove socijalne zaštite. Donošenjem 102 zaključka ministra Ministarstva, te 27 zaključaka i 17 odluka Vlada Zeničko-dobojskog kantona omogućeno je pružanje socijalno-intervenirajućih pomoći za 348 lica i omogućeno izvršenje programskih zadataka za 5 udruženja 280.601 KM.

Utrošak sredstava na ovoj poziciji je veći zbog toga što su u Budžetu za 2012. godinu planirana sredstva u iznosu od 996.045 KM i Projekcijom izvršenja Budžeta u 2012. godini od 05.11.2012. godine planirana potrošnja 950.000 KM, jer je Ministarstvo od ranije imalo ugovorene i izvršene obaveze prema korisnicima. Međutim, i pored toga navedenim Izmjenama i dopunama Budžeta na ovoj poziciji su umanjena sredstva na 700.000 KM tako da je i u momentu ovog umanjenja utrošak bio veći od 700.000 KM.

8. Transfer za alternativni smještaj – KAD-208

Budžetom za 2012. godinu planirana su sredstva u iznosu od 110.000,00 KM za plaćanje stanarine raseljenim osobama sa priznatim pravom na privremeni smještaj - ekonomski kod 614200.

U izvještajnom periodu januar-decembar 2012. godine utrošeno je 110.739,19 KM, za finansiranje alternativnog smještaja za 75 porodica, odnosno 194 osoba.

Utrošak sredstava je veći zbog tog što je povećan broj korisnika ovog prava za 5 porodica u odnosu broj korisnika u 2011. godini.

9. Naknada za pomoć i njegu drugog lica – KAD 209

Budžetom za 2012. godinu planirana su sredstva u iznosu od 3.000.000 KM - ekonomski kod 614200. Ova sredstva su namjenjena za finansiranje prava na dodatak za njegu i pomoć od drugog lica za osobe sa utvrđenim invaliditetom u procentu od 100 % i 90 % oštećenja organizma koje su starije od 65 godina i refundacija troškova pregleda kod Instituta za medicinsko vještačenje, u skladu sa Kantonalnim zakonom i propisima iz ove oblasti, kao i plaćanje medicinskog vještačenja za ostvarivanje prava iz oblasti socijalne zaštite. Također, na osnovu Sporazuma sa Institutom za medicinsko vještačenje zdravstvenog stanja Sarajevo, izvršena je uplata osam rata po 40.000 KM, za utužena dugovanja koja su nastala do 2009. godine.

U toku izvještajnog perioda utrošena su sredstva u iznosu od 2.645.400 KM, za finansiranje naknada za pomoć i njegu od strane drugog lica 1.581 korisnika, refundaciju troškova medicinskog vještačenja za 275 korisnika i uplate 320.000 KM Institutu po osnovu navedenog Sporazuma.

10. Novčana pomoć za nezaposlene porodilje – KAD 211

Budžetom za 2012. godinu planirana su sredstva u iznosu od 140.000 KM - ekonomski kod 614200. Ovim sredstvima finansira se jednokratna novčana pomoć ženi majci koja nije u radnom odnosu, po svakom novorođenčetu.

U izvještajnom periodu januar-decembar 2012. godine za ovu namjenu utrošena su sredstva u iznosu od 155.790 KM, za isplatu naknada za 1.154 nezaposlenih porodilja.

Naglašavamo da su na osnovu Uputstva ove naknade isplaćivane u umanjenom iznosu za 10%, i da je i pored toga utrošak sredstava veći jer se povećao broj korisnika za 18 porodilja, u odnosu na 2011. godinu. Indikativno je da je u 2011. godini za 1.136 porodilja utrošeno 153.360 KM.

11. Smještaj u ustanove socijalne zaštite - KAD 213

U Budžetu za 2012. godinu za ovu namjenu planirana su sredstva u iznosu od 4.400.000 KM - ekonomski kod 614200. Iz ovih sredstava finansiraju se troškovi smještaja, odnosno razlika do punog iznosa cijene smještaja u ustanovama socijalne zaštite za djecu i odrasla lica kojima je potrebna stalna briga i pomoć u zadovoljavanju životnih potreba, a ne mogu ih ostvariti u vlastitoj porodici ili drugoj porodici, kao što su: djeca bez roditeljskog staranja, djece sa poremećajima u ponašanju, lica sa narušenim mentalnim i duševnim zdravljem, druga lica sa posebnim potrebama i stara lica bez porodičnog staranja.

U izvještajnom periodu januar-decembar 2012. godine, utrošena su sredstva u iznosu od 4.461.457 KM, za troškove smještaja 626 štićenika u ustanovama socijalne zaštite.

Utrošak sredstava je veći zbog tog što je povećan broj korisnika ovog prava i povećani određeni troškovi smještaja u 2012. godini.

12. Stalna novčana pomoć-KAD 215

Budžetom su planirana sredstva u iznosu od 1.000.000 KM - ekonomski kod 614200. Iz ovih sredstava finansira se stalna novčana pomoć koju lica mogu ostvariti u skladu sa Kantonalnim zakonom. Za ovo pravo 60% sredstava se finansiraju iz Budžeta Kantona, a 40% iz Budžeta općina.

U izvještajnom periodu januar-decembar 2012. godine iz Budžeta Zeničko-dobojskog kantona za stalne pomoći izdvojeno je 989.079 KM, za 1.244 korisnika ovog prava. Napominjemo, da je na osnovu Uputstva i za ovo pravo izvršeno usklađivanje sa Kantonalniom zakonom, kako je to i bilo planirano u Budžetu.

13. Osposobljavanje za život i rad - KAD 216

Budžetom za 2012. godinu planirana su sredstva u iznosu od 200.000 KM - ekonomski kod 614200. Finansiranjem ovog prava obezbjeđuje se: rehabilitacija, obrazovanje i osposobljavanje za život slijepa i slabovidne djece, gluhe i gluhonijeme djece i djece ometene u psihofizičkom razvoju.

U izvještajnom periodu januar-decembar 2012. godine, utrošena su sredstva u iznosu od 215.027 KM za 59 korisnika, što je neznatno povećanje potrošnje usljed povećanih troškova smještaja.

14. Dodatak na djecu - KAD 217

Za isplatu dječijeg dodatka u Budžetu Zeničko-dobojskog kantona planirana su sredstva u iznosu 3.550.000 KM - ekonomski kod 614200. Pravo na dječiji dodatak pripada porodici sa djecom koja se neposredno brine o djetetu ili djeci, u skladu i na način kako je to propisano u Kantonalnom zakona.

U izvještajnom periodu januar- decembar 2012. godine za dječiji dodatak utrošena su sredstva u iznosu od je 3.645.668 KM, za 13.610 korisnika odnosno za 24.072 djece koja ostvaruju dječiji dodatak. Naglašavamo da su na osnovu Uputstva ove naknade isplaćivane u umanjenom iznosu za oko 16% i da je i pored toga utrošak sredstava veći, jer se tokom godine povećao broj korisnika za 1.414 odnosno za 2.167 djece koja ostvaruju dječiji dodatak.

15. Jednokratna pomoć za opremu novorođenog djeteta – KAD 218

Budžetom su planirana sredstva u iznosu od 100.000 KM - ekonomski kod 614200. Ovim sredstvima finansira se jednokratna pomoć za opremu novorođenog djeteta za majke porodilje koje nisu u radnom odnosu.

U izvještajnom periodu januar- decembar 2012. godine, za ovu namjenu utrošena su sredstva u iznosu od 100.866 KM, za 1.154 korisnika ovog prava.

Također, na osnovu Uputstva iznos naknade je isplaćivan umanjeno za oko 18% i da je utrošak sredstava veći zbog povećanog broja korisnika za 18 u odnosu na 2011. godinu. Indikativno je da su u 2011. godini ovo pravo ostvarile 1.136 porodilje i da je utrošeno 100.628 KM.

16. Pomoć u prehrani djeteta do 6 mjeseci i dodatna ishrana majkama dojiljama-KAD 219

Budžetom za 2012. godinu planirana su sredstva u iznosu od 325.000 KM - ekonomski kod 614200.

U izvještajnom periodu januar-decembar 2012. godine, za ovu namjenu utrošena su sredstva u iznosu od 349.478 KM, za 1.154 korisnika ovog prava.

I za ovo pravo, na osnovu Uputstva naknade su umanjivane za oko 30% i utrošak sredstava veći zbog povećanog broja korisnika za 18 u odnosu na 2011. godinu. Indikativno je da su u 2011. godini ovo pravo ostvarile 1.136 porodilje kada je utrošeno 322.850 KM.

17. Transfer JU Službi za zapošljavanje, za podsticaj aktivnih mjera zapošljavanja -KAD 220

Budžetom za 2012. godinu planirana su sredstva u iznosu od 728.800,00 KM - ekonomski kod 614200. Sredstva su namjenjena za sufinansiranje Programa poticaja zapošljavanja VSS pripravnika u cilju stvaranja pretpostavki za njihovo zapošljavanje.

U sklopu finansiranja ovog Programa u Budžetu su planirana i sredstva na transferu „Poticaj zapošljavanja mladih“ u iznosu od 300.000,00 KM.

U izvještajnom periodu januar-decembar 2012. godine, sa transfera Služba za zapošljavanje ZDK i transfera „Poticaj zapošljavanja mladih“, utrošena su sredstva u iznosu od 899.200,00 KM, i to za

završetak „Programa sufinansiranja aktivnih mjera za podsticaj zapošljavanja mladih nezaposlenih osoba bez radnog iskustva – pripravnika u 2011/2012. g.“, utrošeno je 739.200,00 KM za zapošljavanje 272 VSS pripravnika, te za „Program sufinansiranja zapošljavanja mladih nezaposlenih osoba bez radnog iskustva „100+“ u 2012/2013. godini“, za period septembar –decembar 2012.g. utrošeno je 160.000,00 KM.

1. Program sufinansiranja aktivnih mjera za podsticaj zapošljavanja mladih nezaposlenih osoba bez radnog iskustva – pripravnika u 2011/2012. g. 739.200,00 KM
2. Program sufinansiranja zapošljavanja mladih nezaposlenih osoba bez radnog iskustva „100+“ u 2012/2013. g. 160.000,00 KM

18. Transfer udruženjima - KAX 002

Budžetom za 2012. godinu planirana su sredstva u iznosu od 75.000 KM- ekonomski kod 614300. U skladu sa članom 33. Zakona o izvršavanju Budžeta Zeničko-dobojskog kantona (“Službene novine Zeničko-dobojskog kantona”, broj: 5/12), utrošak sredstava na ovom transferu izvršen je nakon završene procedure po Javnom pozivu.

Na osnovu Odluke Vlade, broj: 02-14-17406/12 od 03.08.2012. godine, u 2012. godini utrošeno je 75.000 KM za finansiranje i sufinansiranje programa rada 15 udruženja i za sufinansiranje projekte 12 udruženja koja provode aktivnosti od značaja za oblasti iz nadležnosti ovog Ministarstva.

19. Transferi iz prihoda za obilježavanje “Dječije nedjelje” – KAX 003

Budžetom za 2012. godinu planirana su sredstva u iznosu od 70.000 KM - ekonomski kod 614300. U skladu sa 33. Zakona o izvršavanju Budžeta Zeničko-dobojskog kantona (“Službene novine Zeničko-dobojskog kantona”, broj: 5/12) raspisalo Javni poziv. Nakon završene procedure Ministarstva po Javnom pozivu, na osnovu Odluke Vlade Zeničko-dobojskog kantona, broj: 02-14-21100/12 od 28.09.2012. godine, odobrena su sredstva u iznosu od 70.000 KM. Međutim, zbog nepristiglih uplata preduzeća, poslodavaca i fizičkih lica u novembru i decembru 2012. godine, utrošena su samo raspoloživa sredstva u iznosu 37.200 KM.

20. Kapitalni transferi drugim nivoima vlasti – ekonomski kod 615100

Budžetom za 2012. godinu planirana su sredstva u iznosu od 100.000 KM. Ova sredstva su namjenjena za finansiranje poboljšanja materijalnih, prostornih i tehničkih uslova za rad ustanova i službi socijalne zaštite, te sufinansiranje izgradnje Dnevnog centra za lica sa posebnim potrebama u općini Visoko.

Tokom 2012. godine, aktima Vlade i po nalogima ovog Ministarstva sa ove pozicije utrošena su sredstva u ukupnom iznosu od 88.000 KM, i to:

- Udruženju „Humanost – societas humanitatis“ iz Zenice u ukupnom iznosu od 80.000 KM , kao implementatoru projekta, na ime „Izgradnja zgrade Dnevnog centra za djecu i odrasle osobe sa posebnim potrebama u Visokom” i učešća u snošenju dodatnih troškova za početak rada Dnevnog centra, i

- JU Centar za socijalni rad Olovo u iznosu od 8.000,00 KM, kao pomoć od značaja za kupovinu dijela stambeno-poslovne zgrade i poboljšanja uslova rada i kvaliteta usluga za korisnike prava iz socijalne zaštite.

21. Ostala osnivačka ulaganja– ekonomski kod 821500

Budžetom za 2012. godinu planirana su sredstva u iznosu od 2.000,00 KM - ekonomski kod 614300.

Za uplatu osnovnog kapitala JU „Dom penzionera“ Zenica na osnovu Odluke Vlade Zeničko-dobojskog kantona odobrena su sredstva u iznosu od 2.000,00 KM .

* * * * *

Izvršenje Budžeta Zeničko-dobojskog kantona za period januar - decembar 2012. godine, ukupno posmatrano, za pozicije: „Transfer pojedincima“, „Transfer neprofitnim organizacijama“, „Kapitalni transferi drugim nivoima vlasti“, si „Ostala osnivačka ulaganja“, iznosilo je 26.864.230 KM, to jest u procentu od 101,17 % u odnosu na ukupno planirana sredstva Budžetom za 2012. godinu na navedenim pozicijama.

Navedena sredstva utrošena su za planirane namjene, a u skladu sa Programom utroška sredstava planiranih Budžetom Zeničko-dobojskog kantona za 2012.godinu u Ministarstvu za rad, socijalnu politiku i izbjeglice, broj: 02-14-11958-1/12 od 23.05.2012.godine, i Zaključka o izmjenama Programa utroška sredstava planiranih Budžetom Zeničko-dobojskog kantona za 2012. godinu, broj: 02-14-28527/12 od 27.12.2012.godine.

S poštovanjem,

MINISTAR

Ivica Ćurić

Dostavljeno:

1 x Ured Premijera

1x Ministarstvo finansija

3 x a/a



Bosna i Hercegovina, Zenica, Kućukovići br.2

Telefon: 032 / 244 -618; Fax: 032 / 245- 640; e-mail: min_rad@zdk.ba